



بن اقوب جولر کبی اولدقجه بویله پایمال  
 دامن احساننی اول سرو مستنا چکر  
 وصلنه خط همایونیه ویردی اذن عام  
 قیل قلله باق برات حسننه طغرا چکر  
 عاشقی چرخک بیله چکمزکن اصلا منتک  
 چله سخت کمان ابروسنی حالا چکر  
 خواستکار وصلنه لا در جواب قاطعی  
 «سریا» اما سکا الای استنا چکر  
 خشم ایدوب براقسه کده برآمکده ایاقده صبحه دک  
 ساقیا غم چکمز عاشق رنددر صهبا چکر  
 سری پاشا



### ملاحظات خصوصیه

۶۹ عرفان حسن وان کبی عارضی اولمدیغی ایچون  
 زنجیر بند اولان بر مجنون عارف ایله هم صحبت  
 اولق منزوی بر بدلا ایله قونشمقدن اولادر .



۷۰. یلانجیلقدہ بر استفادہ وارسہ اودہ طوغری سویلکی  
اونوتمقدر .



۷۱. بر حاکم ایچون الک دقیق اعتنا مظنونک لسان  
حالتہ اطلاع در اوراق استنطاقیہ نقدر مکمل اولسہ  
انکلہ حکم ایدن وجدان ایچون مسؤلیت معنویہ  
لابددر .



۷۲. شعر قاعدہ داخلندہ یہودہ سویلنان سوز دیمکدر .  
ایشی کوچی بو یولندہ اتعاب ذہن ایتمکدن عبارت  
اولان انسانلرہ شاعر درلر .



۷۳. طالقاقولق ایچون ذکاوت شرطدر . احق طالقاقا-  
وقلرک افندیلری انسانیت نقطہ نظریلہ پک پیانغی  
مخلوقات دن صایلور .



۷۴. یلان سویلکدہ کی ذکرینی طوغری سویلکدہ  
صرف ایتمسہلر قدنلرک ہر لقر دیسی مقبول  
اولوردی .

محمود جلال الدین

